

大乘同性經

書上

百四十五

蓋一

48227



元祿九年丙子二月日重備

皇圖 聖澤 顯昌

佛日 增輝 轉法輪常轉

山城州天安寺法金剛院置



大乘同性經卷上

周宇文氏三藏閣



那耶舍共僧安譯



蓋

如是我聞一時婆伽婆住在大摩羅耶精妙
山頂摩訶園林華池沼邊大持呪神所居止
處人不能行最得道者所居之處共大比丘
千二百五十人俱一切皆是摩訶聲聞所作

已辨已過一切凡夫之地其名曰尊者阿若
憍陳如尊者阿說示尊者摩訶迦葉尊者舍
利弗尊者摩訶目犍連與如是等諸大聲聞
復有菩薩摩訶薩衆皆大菩薩悉得一切菩
薩三昧陀羅尼行一切已住諸菩薩地其名

曰聖者彌勒菩薩摩訶薩大意菩薩摩訶薩

蓋大乘同性經上

益意菩薩摩訶薩堅意菩薩摩訶薩定意菩
薩摩訶薩無盡意菩薩摩訶薩無邊意菩薩
摩訶薩海意菩薩摩訶薩正定意菩薩摩訶
薩淨意菩薩摩訶薩智意菩薩摩訶薩如是
等一切各各佛刹已得受記為阿耨多羅三
藐三菩提轉法輪故復有最上最勝天龍夜

又乾闥婆阿脩羅迦樓羅緊那羅摩睺羅伽
并持呪神及非人等種種形容天冠衣服執
持器仗并諸幢蓋及諸鬼神仙人衆等皆來
集坐為欲聽法

爾時世尊衆如大海前後圍遶有所說法初
中後善其義深遠其語巧妙具足廣說清淨
梵行爾時楞伽大城之中有羅刹王名毗毗
沙那治化於彼時毗毗沙那楞伽王聞佛今
住大摩羅耶精妙山頂摩訶園林華池沼邊
大持呪神所居之處人不能行最得道處與
千二百五十比丘現說梵行時毗毗沙那楞
伽王即生念言如來名字世間希有如優曇

萃於無數時乃一得聞何況值佛我於是中

無量無數時不得聞法猶如盲龜遇浮木孔

是中諸佛及以佛法入佛境界證佛道者如

是乏事倍復最難我若賣持多諸珍寶及真

珠貫無量香華末香塗香華冠衣服寶幢幡

蓋并及繒束音樂歌讚與我眷屬往詣佛所

蓋 大乘同性經上

到佛所已以此種種供養之具供養如來欲

問正法報我一生時毗毗沙那楞伽王普皆

宜告諸羅刹衆汝等可共同心和合捉持豐

足勝妙金銀摩尼寶珠珂玉瑠璃珊瑚馬瑙

真珠瓔珞并赤真珠種種精妙無量香華作

諸音樂及以歌讚頌向佛所如來法王三界

最勝無上福聚具足衆相一切知見無上福
田我等向彼持此供具以用供養所以者何
於無數時值佛出世得見佛難離八難難聞
三寶難作此念已尔時毗毗沙那楞伽王於
其衆中說偈告言

無量無數時

佛乃現世間

欲離於八難

復經無量世

百千億劫中

希逢於世尊

譬如優曇華

無數時乃出

地獄與畜生

最苦餓鬼道

往來於六趣

展轉如車輪

今此衆生類

離諸八難厄

利益衆生故

故出世間燈

智日光所照

能破無明盲

相隨至彼處

供養無上尊

教天人世中

供養獲大果

尔時毗毗沙那楞伽王說此偈已佛神力故
於虛空中放百千億那由他大光明網遍照
楞伽大城照已毗毗沙那及一切羅刹衆皆
悉踊躍尔時被大光明焰中演出甚深法相

之偈

蓋

大乘同性經上

諸法本寂空無我

衆生初中後三得

譬如虛幻夢泡焰

霧電水沫旋火輪

世諦緣法悉非真

魚明愛根世間現

真觀無愛及無明

諸法如空淨叵說

尔時毗毗沙那楞伽王聞彼光明網中演出

如是法相偈已即得甚深無我法忍彼羅刹

象中或得忍者或有發於菩提心者或有發
願忍著者有實見者時毗毗沙那楞伽王於佛
法中明瞭無疑既著菩提堅甲鎧已復發此
願而說偈言

天人及與阿脩羅

一切梵王上天衆

如此無上最妙法

彼等未曾得覺見

我應未來得斯法

具足一切無礙智

此世界中成佛道

度脫無量億衆生

演說諸佛微妙法

最勝無漏八聖道

令我所作無邊智

三十二相莊嚴身

若有精勤行善行

及佛功德行滿足

利益衆生脫怖畏

持諸功德滅有塵

面如日月淨光明 於三界中得作佛

爾時毗毗沙那楞伽王於阿耨多羅三藐三

菩提得不退轉即隨其意應念出生種種精

妙華香塗香末香華冠衣服寶幢幡蓋摩尼

繒束真珠瓔珞作諸伎樂擊掌歌讚妙聲遍

滿讚歎如來功德相好持如是等諸供養具

蓋大衆同性經上

與其眷屬於虛空中如鵝王行來向佛所至

佛所已從空而下時毗毗沙那楞伽王與眷

屬俱向佛合掌接世尊足頂禮百徧禮拜訖

已遠佛三帀乃至千帀時毗毗沙那楞伽王

即於佛所五體投地如斫樹倒復說此言南

無無量功德莊嚴最上法身師子丈夫三界

最勝世尊釋迦牟尼至真等正覺出此語已
即起合掌於世尊前說偈讚歎

昔世億生專精事 難行苦行求菩提

布施飲食及衣乘 億數七珍與乞者

不思議劫無悔吝 捨國聚落及臣民

王宮莊嚴寶豐滿 億劫難捨皆能捨

音名王子須大拏 於山林中施妻子

前捨自身救產虎 割其身肉濟窮餓

挑眼施盲婆羅門 於彼生中無怨恨

施頭為求菩提因 心於索者常歡喜

為護戒品長清淨 不犯聖行順無為

不斷生命盜他物 常順梵行世無妬

離於飲酒不妄語 護諸衆生如已身

昔不兩舌諸惡言 亦無瞋恚說綺語

世尊離邪常調順 於前衆生無惱觸

功德如意離邪見 供養三寶無壞心

出家無垢除五欲 依順佛戒解脫行

前行忍辱受諸苦 誹謗毀訾及困責

往昔所受諸苦痛 為衆生故無恨心

若在佛邊起殺惱 於彼慈心視如子

佛生於世常修忍 解脫億數苦衆生

如來往昔求道時 作大仙人名曰忍

彼所生中被割截 忍痛於王無害心

為彼國王及夫人 演說白法令歡喜

蓋 大東同性經上

五

不思億劫常精進

懈怠邪意狹劣除

昔諸苦行皆能忍

廣大精進覺菩提

經行不睡亦無乏

尊重供養無量佛

衆生所須常隨順

熏修成佛無上法

昔行禪定為伏心

已善四禪無色定

三昧念五神通力

往昔行滿無漏禪

如來智慧滿無漏

知法如幻悉虛假

無我衆生命及人

煩惱網纏因業轉

欲界不淨四種惑

衆生煩惱界本淨

既知實淨衆生本

得具六種波羅蜜

誰能說此智方便

勤求無盡佛福聚

發勝三業向如來

來世得佛我頂禮

尔時毗毗沙那楞伽王說此偈已復以無量
種種最妙及以香華末香塗香華冠衣服寶
幢幡蓋音樂歌詠讚歎如來尊重恭敬具足
承事供養於佛并諸聲聞大菩薩眾彼羅刹
眾亦復如是如法發起供養如來稱可佛意
尔時毗毗沙那楞伽王供養訖已白佛言世
尊蓋大乘同性經上我今有疑欲問如來至真等正覺唯願世
尊為我開解說此語已

佛告楞伽王言楞伽王吾常開汝問佛所疑
隨汝意樂當為解說令心歡喜時楞伽王得
開許已白佛言世尊眾生者世尊以何義故
名為眾生佛言楞伽王眾生者眾緣和合名

曰衆生所謂地水火風空識名色六入因緣
生又衆生者猶如束竹緣業故報緣業行果
我人衆生壽命畜養衆數知者見者作者觸
者受者是名衆生毗毗沙那楞伽王言世尊
彼衆生者以何為本依何而住以何為因佛
言楞伽王此衆生者無明為本依愛而住以
業為因毗毗沙那楞伽王言世尊業有幾種
佛言業有三種何等為三身口意業復有三
相淨不淨非淨非不淨時毗毗沙那楞伽王
復白佛言世尊云何衆生捨此壽命受彼壽
命捨此故身受彼新身佛言楞伽王衆生捨
此身已業風力吹移識將去自所造業而受

其果若善及不善非善非不善衆生如此造業行者即於彼處而受新身或受卵生或受濕生或受胎生或受化生皆是一切業風所造而業亦不自知而造各自受報楞伽王衆生如是捨此身命受彼新身楞伽王言世尊衆生捨此身命未受彼身於其中間識停何處蓋大乘同性經上佛言楞伽王於汝意云何田中種子至生芽時為當子先滅已然後芽生為當其芽先生然後子滅為當惟子滅時其芽即生毗毗沙那王言不也世尊佛言楞伽王是義云何楞伽王言世尊其子若滅其芽即生非先子滅然後芽生非先生芽然後子滅佛言如是

楞伽王非前識先滅後識方生楞伽王亦非
先生後識前識方滅楞伽王唯前識滅後識
昂生楞伽王如步屈蟲先安頭足次後足隨
其形屈申間無斷絕如是如是楞伽王此之
神識見前有中生處了已識即令移託就於
彼間無斷絕毘毗沙那楞伽王言世尊若如
是者魚中陰耶佛言楞伽王一種衆生卵生
是也捨此身已入於卵中而是神識業風所
捉停住卵中昏鈍不覺及至覆成識方覺了
當知彼卵已為熟也何以故卵生衆生法如
是故未成熟時不覺不了所以者何為業力
故楞伽王復有衆生福力純厚得於轉輪王

家作子而彼在胎不為胎汙亦不與胎不淨
共住亦不汙染楞伽王其轉輪王所生子者
多受化生設受胎者初入胎中結子已成及
生出後破膜出身楞伽王是因緣故說有中
陰時毗毗沙那楞伽王言世尊衆生神識為
當蓋幾大為作何色佛言楞伽王衆生神識無
邊大魚色魚相不可見魚礙魚形魚定處不
可說毗毗沙那言世尊識相如此魚有邊大
魚色魚相不可見魚礙魚形魚定處不可說
者豈非斷絕佛言楞伽王吾今問汝隨汝意
答當為汝說楞伽王譬如大王在宮殿中或
高樓上采女圍遠安樂坐時著種種衣及諸

瓔珞時大園林阿輸歌樹種種雜華莊嚴精
麗其園在處有細軟風或大駛風吹彼園林
阿輸歌樹衆華香氣至王所者王聞之不毗
毗沙那白言世尊我聞此香佛言楞伽王汝
聞此香分別知不王言世尊我能得知佛言
楞伽王此華香氣王言知者見大小耶定作
何色楞伽王言不也世尊何以故此香氣相
無色無現無礙無相無定處不可說是故不
見大小形色佛言楞伽王於意云何若不見
彼香氣大小非斷絕相耶毗毗沙那言不也
世尊何以故若此衆香是斷相者無人得聞
佛言如是如是楞伽王識相亦尔應如是見

楞伽王若識鉤相則無生死而可得知如是
楞伽王識相清淨惟是無明貪愛習氣業等
諸客煩惱之所覆障楞伽王譬如清淨虛空
之界唯有四種客塵汙染何等為四所謂煙
雲塵霧楞伽王識相如是本清淨故無邊不
可捉無有色染唯是諸客煩惱之所覆染所
蓋以者何楞伽王若正觀時不得衆生無我無
大乘同性經上衆生無壽命無畜養無人無衆數無知者無
見者無覺者無受者無聽者乃至無色受想
行識等楞伽王若正觀時無有分別而可得
者楞伽王諸法和合無有實相汝雖得是衆
生實相亦莫捨此生有曠野云何名得衆生

實相所謂得彼大智同性今時世尊而說偈
言

衆生業力自迴轉 不得八聖最上道

若離諸業證無漏 行無上行利衆生

時毗毗沙那言世尊有無量恒河沙等衆生
於此三界稠林有海到彼岸者復欲到者有
證聲聞法者有證緣覺法者亦有若干已證
無上大智同性者於未來世亦有無量無邊
不可數阿僧祇過是數恒河沙等衆生乘此
三乘各各別乘得入涅槃而衆生界無增無
減如是世尊我知如是心生厭倦佛言楞伽
王汝莫於此生厭倦想所以者何諸衆生界

前後不可盡故虛空界法界亦尔是故楞伽
王諸衆生界不可言說以是得知不增不減
如是三界稠林有為海中已得度者當欲度
者而衆生界亦無增減楞伽王譬如虛空界
不增不減無前無後亦無中間是故虛空不
可得知徧一切處無礙無形無作無相如是
如是楞伽王非衆生界有初中後求之可得
楞伽王唯有已得聖法同性是名盡於衆生
界耳而有為道不盡不減楞伽王亦不離彼
有解脫道何以故是衆生界法如此故是故
無初無中無後毗毗沙那獲問佛言世尊衆
生有為行海相貌何似佛言楞伽王衆生有

蓋

大乘同性經上

十

為行海猶如大海復問佛言世尊諸佛之法
復似何等佛言楞伽王諸佛之法猶如船舶
復問佛言世尊出家比丘受具戒法復似何
等佛言楞伽王出家比丘受具戒法似治生
人乘於船舶復問佛言世尊如世尊說依佛
戒法具足奉行無毀破者復似何等佛言持
戒精進愛法知足似治生人乘堅牢船成就
具足楞伽王有能如佛所說戒法不破不犯
具足行者亦復如是復問佛言世尊善知識
者復似何等佛言楞伽王善知識者猶如船
師復問佛言世尊勤行八聖道復似何等佛
言楞伽王勤行八聖道者似正疾風吹於船

船毗毗沙那復問佛言世尊禪定三昧及諸
神通復似何等佛言楞伽王神通三昧猶如
寶國毗毗沙那復問佛言世尊七菩提分復
似何等佛言楞伽王七菩提分猶如七種寶
性復問佛言世尊得七菩提分證大乘同性
者復似何等佛言楞伽王得七菩提分證大
乘同性者譬如值得七種寶性十一巨富貨賄稱
意滿足善哉善出家者於我法中證於無礙
無上佛果尔時世尊復說偈言

觀察諸有苦 自苦衆生苦 亦捨諸有縛
我法中出家 即名為佛子 衆中最大德
勤苦如法行 當得為世尊

尔時毗毗沙那復問佛言世尊若有衆生於
佛法中得出家已不能持戒或有犯戒或有
破戒犯欲行者或有脫於法服捨戒還俗世
尊如是癡人譬如何等佛言楞伽王若有衆
生於我法中得出家已受於戒法作諸毀犯
是癡人輩多隨惡道如治生人在大海中船
舶破壞沒命於水毗毗沙那言世尊若有破
戒犯戒犯欲行者復說我行精進梵行復有
捐棄法服捨戒還俗彼一種人命終亡已或
生好處彼似何等佛言如治生人於大海中
船舶破壞沒溺水中或有得船板者或有得
死屍者或有自力浮者楞伽王是治生人得

船板者因風力吹得至洲島捉死屍者海波
所推漸到彼岸何以故大海之法不宿死屍
若其自力能浮得渡隨意所至此是海神慈
悲濟彼如是如是楞伽王若我法中得出家
者不能依戒如法護持若捨戒法著於俗服
得生善處者或因我邊得正信者或復內淨
蓋或雖破戒恒有慈行或有精進是故楞伽王
大乘同性經上雖是破戒及還俗者還因我法得生善處尔
時世尊而說偈言

往昔已作多罪業 無邊千億世生中

發露懺悔更不造 滅無增長故清淨

時毗毗沙那復問佛言世尊凡有幾種助善

提法佛言楞伽王有三十七品助菩提法何
者名為三十七品所謂四念處四正勤四如
意足五根五力七覺分及八聖道楞伽王是
名三十七助菩提法復問佛言世尊解脫門
者為有幾許佛言楞伽王有三解脫門何者
為三所謂空無相無願復問佛言世尊須念
何法佛言念歎滅入涅槃復問佛言世尊諸
對治法凡有幾許佛言楞伽王摠而言之三
種對治何者為三謂貪欲心者不淨觀瞋恚
心者慈悲觀愚癡心者因緣觀是名三種對
治之法復問佛言世尊幾許巧能應須念持
佛言楞伽王須念持者巧知陰巧知界巧知

入巧知方便復問佛言世尊須作何觀佛言
楞伽王須觀甚深十二因緣及四聖諦因果
證等今時毗毗沙那楞伽王復更圍遠世尊
三币以諸雜色七寶之華散於佛上散已右
膝著地合掌向佛敬歎如來而說偈言

云何菩薩諸聖行蓋生精進意利世間十三

大乘同性經上

施戒忍辱及精進發最上意為菩提

來彼無漏智慧時攝化多億諸衆生

衆寶莊嚴無垢濁精妙剎中得成佛

今時世尊告毗毗沙那楞伽王言善哉善哉

楞伽王汝能諮問如來此事諦聽諦聽善思

念之當為解說楞伽王菩薩摩訶薩常須行

六波羅蜜於一切衆生邊不生惡心楞伽王
菩薩行如是法時不減不少於諸佛法常得
增長亦不染著世間之法攝受教化無量衆
生亦能清淨如來刹土復能具得大乘同性
於佛法中無障無礙爾時毗毗沙那楞伽王
白佛言世尊云何修行云何得住阿耨多羅
三藐三菩提佛言放捨憍慢貢高嫉妬常行
四種清淨梵行歡喜普為一切衆生恒行正
真須捨殺盜妄言綺語兩舌惡口飲酒姪婬
莫使暫忘菩提之心意樂勤行六波羅蜜所
作恒為安樂衆生於有為中心常寂靜欲度
有海多諸怖畏汝當正觀三界衆生令得度

脫後次楞伽王汝若欲求菩提之者須如是
知言菩提者但有名字言語謂菩提耳何以
故楞伽王無有是菩提無根是菩提無住是
菩提無垢是菩提無塵是菩提無我是菩提
不可捉是菩提無色是菩提無形是菩提無
此是菩提無彼是菩提無憂是菩提無惱是
菩提無著是菩提無染是菩提無邊是菩提
無為是菩提無濁是菩提已過一切根是菩
提除一切憶想念是菩提已過一切有行是
菩提無底是菩提難知是菩提甚深是菩提
無字是菩提無相是菩提寂靜是菩提清淨
是菩提無上是菩提無譬喻是菩提無求是

蓋

大乘同性經上

十四

菩提無斷是菩提不壞是菩提無破是菩提
魚思惟是菩提魚物是菩提魚為是菩提魚
見是菩提無害是菩提無明是菩提無流注
是菩提常住是菩提虛空是菩提無等等是
菩提不可說是菩提楞伽王欲求菩提者若
不求法是求菩提何以故楞伽王若魚有著
得證阿耨多羅三藐三菩提又魚我相衆生
相命相人相畜養相衆數相作相受相知相
見相乃可得證阿耨多羅三藐三菩提若不
得世諦相者不執著法不執著陰界乃至不
執著諸佛菩薩乃可得證阿耨多羅三藐三
菩提何以故楞伽王無所執著即是菩提若

不執著物若不執著常若不執著新者於未

來世證成菩提所以者何楞伽王一切諸法

後際滅故時毗毗沙那楞伽王復白佛言世

尊云何得知一切世諦法耶佛言楞伽王知

一切世諦法如幻如化如夢如燄如水中月

如乾闥婆城一切世諦法應如是知如是覺

如是觀

蓋大業同惟經上

十五

爾時毗毗沙那楞伽王即得菩薩三昧名無

等等法光明智相得陀羅尼名一切巧音得

如是等無量無邊諸三昧陀羅尼已時毗毗

沙那楞伽王即白佛言世尊我今得此三昧

陀羅尼已覺知一切世諦之法佛言楞伽王

云何覺知毗毗沙那言世尊一切世諦之法
如夢如幻如響聲等如山水駛如水中月如
風吹空華如秋雲起如珠光明如燈火燄如
華上露如乾闥婆城如水上泡如虹如燄世
尊我已覺知世諦諸法現皆無常今時世尊
即放頂上百千億那由他種種妙色光明所
謂青黃赤白紅紫頗梨及金等色普照無量
無邊阿僧祇諸佛刹土既徧照已還入頂上
今時尊者大目捷連即從座起徧袒右肩右
膝著地合掌向佛說偈問言

佛上妙德非無因
開放清淨光明網
今意猜妙覺發誰
放百光網願佛說

佛告目捷連言汝見此毗毗沙那楞伽王在

於我前合掌正立以此廣大供養之具用供

養我及聲聞眾諸菩薩眾因此功德發阿耨

多羅三藐三菩提心不目捷連言世尊我見

世尊我見佛言目捷連見毗毗沙那楞伽王

從我已去乃至當欲供養承事百千億那由

他諸佛過是已後彼身功德本力具足今有

蓋大乘同性經上

十六

世界名蓮華城彼有世尊号蓮華功德相震

聲威王如來阿羅訶三藐三佛陀現在彼住

遊行說法彼佛如來壽命無量世界清淨此

毗毗沙那楞伽王化生彼刹生彼中已即得

菩薩歡喜之地如是乃至得菩薩十地過無

量劫數已於後生此娑婆世界當得成佛号
曰善妙震聲金威善淨光明現功德寶蓋莊
嚴頂相毗盧遮那王如來應供正遍知明行
足善逝世間解無上士調御丈夫天人師佛
世尊是最後生彼世界者名電寶冠除諸山
阜坑坎崖坂土石糞穢無有女身及惡道等
而彼佛刹清淨勝彼現在阿彌陀如來佛刹
諸菩薩衆充滿彼國劫名善觀明彼佛如來
壽命無量目捷連是故如來至真等正覺微
笑時毗毗沙那楞伽王得受阿耨多羅三藐
三菩提記時以為法故歡喜踊躍遍體戰慄
飛上虛空高七多羅樹於虛空中說此偈言

一切諸法空如夢 清淨非有同虛空

我及無我悉皆無 我知如化如電光

衆生有中自生滅 諦求一法不可得

初中後等無所有 畜養衆生命亦然

衆生隨業得果報 有中展轉不休息

若行如此菩提行 得知諸法體皆空

蓋大乘同性經上

茶時毗毗沙那楞伽王說是偈已從空中下

遠佛三币遠三币已蒙佛威神却坐一面時

海衆中或有天龍阿脩羅等證法得果者或

有夜叉羅刹發菩提心者或有緊那羅摩睺

羅伽於諸佛法得無疑者或有迦樓羅乾闥

婆及呪神等得陀羅尼證法得果於一切法

得不退轉者即時大地震動自然光明遍滿
佛刹乃至大小鐵圍山間普皆明照一切惡
道諸苦悉除上虛空中雨諸天華響擊天鼓
叫嘯等聲并諸衣服空中舒卷自然顯現如
是種種不思議事時毗毗沙那楞伽王觀其
自衆如是告言汝等一切相與和合來向世
尊生恭敬心發於阿耨多羅三藐三菩提心
時彼無量百千羅刹相與和合向佛合掌白
言世尊我等聚集相與和合從今已去歸依
於佛及以法僧發菩提心世尊我等從今已
去行大乘行如來證知世尊我等於未來世
在此娑婆刹中得成正覺定斷惡業為無上

尊為一切衆生作利益故佛言善哉善哉汝
等若能發菩提心者汝等當行四種善法凡
善行者行此四法得不忘被菩提之心何等
為四一者所有願行不違不失二者於諸衆
生常行慈心三者一日三時供養三寶晝夜
不絕四者不願聲聞辟支佛果此為汝等四
法具足不忘失被菩提之心

蓋大業同性經上

十六

爾時海龍王從座而起偏袒右肩右膝著地
向佛合掌白言世尊毗毗沙那楞伽王往昔
造何善根乃能如是廣供養具供養於佛及
無數聲聞菩薩衆等供養訖已發菩提心發
菩提心已證不退轉得受阿耨多羅三藐三

菩提記作是語已佛告海龍王言龍王往昔
過無量阿僧祇劫數時彼有佛号大悲所生
智相幢如來至真等正覺應供正遍知明行
足善逝世間解無上士調御丈夫天人師佛
世尊而彼如來亦還生此娑婆世界五濁世
中而被如來至真等正覺於衆生中演說分
別三乘之法龍王時彼如來亦還住此摩羅
耶山頂上與五百比丘大聲聞衆無量天龍
及非人等衆中說法龍王時有羅刹童子名
毗毗沙歌亦還住此楞伽大城形貌雄猛大
腹巨力其性硬惡面目鄙醜唯食肉血口牙
可畏龍王時彼毗毗沙歌羅刹童子聞佛世

尊住摩羅耶山頂上即作是念我不欲此沙
門及比丘衆在摩羅耶山頂上居住何以故
若彼沙門住在摩羅耶山頂上者我不能攝
大海雜類亦無衆生可殺害者我今住此則
恒飢餓龍王時彼毗毗沙歌羅刹童子即告
其衆諸羅刹言汝等有大力者宜可速來蓋 署
大乘同性經上 堅牢甲各執刀仗槌弩斧戟弓箭鋒楯并金
剛杵鬪輪稍等嚴持如是種種器仗何以故
我今應當驅彼沙門及沙門衆去我境界令
其捨離我所住處龍王時毗毗沙歌羅刹童
子帶好堅甲及羅刹衆各持種種別色器仗
飛行虛空向彼大悲所生智相幢如來往至

彼已住在虛空與其徒衆語世尊言去去沙
門我不用汝住此山頂莫復令我殺汝沙門
及汝衆等龍王尅時大悲所生智相憶如來
卽現神通現神通已時毗毗沙歌羅刹童子
及其徒衆各見自身被五繫縛又見十方鐵
網羅布欲走無路慄然定住龍王時毗毗沙
歌羅刹童子及羅刹衆心驚惶怖昂生是念
我等今者欲何處去求歸命誰向誰求救誰
脫我等龍王尅時彼佛衆中有呪神王名正
定深滿功德威與彼毗毗沙歌羅刹童子宿
作善友在彼世尊衆中集坐龍王尅時正定
深滿功德威持呪神王語毗毗沙歌羅刹童

子言善友諸佛世尊教化人天所得無量諸
功德法三界獨尊衆生中寶有大悲行汝善
友及羅刹衆此可歸依及以法僧汝等歸依
三寶發菩提心一切繫縛即得解脫說是語
已龍王尔時正定深滿功德威持呪神王教
化力故及佛神力即時毗毗沙歌羅刹童子
蓋大乘同性經上及羅刹衆俱共合掌出如是言南無無邊劫
德莊嚴身者南無最上大悲覺者我等與汝
今日已去歸依於佛及以法僧我等恒行歸
依三寶發阿耨多羅三藐三菩提心龍王時
毗毗沙歌羅刹童子及一切羅刹衆出此言
已一切繫縛即得解脫從虛空來向大悲所

說

生智相幢王如來至彼世尊三帀圍遶時毗
毗沙歌羅刹童子及羅刹衆一切俱時頂禮
佛足於彼如來乞求懺悔乞懺悔已各還本
處龍王於汝意云何汝今當知是時世中毗
毗沙歌羅刹童子者豈異人乎今毗毗沙
楞伽王是也時彼世中羅刹衆者更非別衆
今毗毗沙那楞伽王羅刹衆者是也龍王於
汝意云何時彼世中正定深滿功德威持
神王亦非別人即是海妙深持自在智通
菩薩摩訶薩是也作是語已此三千大千世
界即時震動猶如船舶在大海中隨波動搖
衆生類中無見驚怖及以害者唯得一切安

隱快樂一切衆生持十善行時此娑婆佛刹
除去高山須彌大海國土聚落山林海島黑
山龕窟稠林園池河泉陂澤丘陵坑坎崖隴
石壁沙鹵棘刺泥糞臭穢可惡悉除閻浮檀
金大光普照此三千大千世界所有一切大

小鐵圍山中一切諸闇一切光明及以日所

蓋大乘同性經上

所不照處彼明徧照隱蔽日月況餘光明今

切諸影是時不現滅除一切地獄畜生餓鬼

等苦即時此娑婆世界諸天人等若有苦惱

一切皆得安隱受樂若有衆生飢者得食渴

者得飲裸者得衣貧者得寶盲者見色聾者

聞聲瘖者能語六根殘缺悉得具足閉在牢

獄普皆解脫

大乘同性經卷上

蓋

賈子兮反持也疾陵反衣聲下去悔若反上呼每

及徒因反擊擊反二下同尼加也批眼上土彫反訾音紫昏鈍

及利也膜脂音莫也駛二使史綢林多上直流反船船

下音白貨賄財也每反所推迴反姪音姨反上余今栗

一虹降音規虹也音坑坎下吾感友反阜音山音婦小崖

坂上下音街大反高峻也戰慄下良一反山音婦小崖

出聲也撮脣鞭惡上吾更鄙醜上碑美反叫嘯下蘇

捷弩上直追反下吾戰上音逆音下昌美反九反一惡

戰也下乃古反追反下吾戰上音逆音下昌美反九反一惡

作肩傍牌是也正持昌與稍音也朔長慄然合上

